



司馬文正公傳家集卷第二

後學桂林陳弘謀重訂

古詩一

贈邵興宗

窮達有常分得喪難豫言古今浩茫茫倚伏安可原軒裳彼自榮舉俗同崩奔錙銖校重輕冰火殊涼溫君子固無愧立身明本根度矩苟不愆寵辱徒喧喧有如清濟流橫貫長河渾景公馬千駟南面雄東藩陶青劉舍徒位為丞相尊當時非不顯磨滅何足論顏回在陋巷藜藿甘盤餐原憲結敝衣蓬蒿塞其門當時豈不窮至今榮名存况君齒方壯德業素所敦安知搨翅歸不作凌雲飄要之白首期壯烈施元元為君畫善策灑掃清前軒長舒四五榻客來輒開樽羣愁喜伺人稍醒必煩寃拒之亦無佗體中常昏昏

傳家集卷二 古詩一

邵興宗南園草盛不翦僕過而愛之為詩以贈

君家在何許遠與南城鄰車馬不甚繁門前無俗塵有園廢鉏治繞舍皆荆榛入夏益滋蔓鬢鬢高没人豈無舊桃李蕪雜與之均謂言彼草木於我奚疎親於間置取舍豈得完天真不若任其然同受雨露仁物性且不違人心何緇磷閉戶不迎客箕踞無冠巾苟忘軒冕心何異巢居民

送文慧師 應符 歸眉山



至人心如雲去住唯所適飄飄涉四海豈復校喧寂竭  
來王城遊紅塵暖晨夕忽思還故峯不可留宿昔離合  
皆自然於何寄驩戚從茲坐林下白首傲泉石山鳥集  
掌中已猿侍瓶錫寺前煙蔓深何處求行跡

出都日塗中成

請告歸陝及之分  
陰省兄時所作

賤生習山野愚陋出於骨雖爲冠帶拘性非樊籠物揚  
鞭出都門曠若解徽紼是時天風惡靈沼波蕩汨龍鬣  
互騫騰鷗羣遠浮沒川原竄疎豁煙火稍蕭瑟草木雖  
未榮春態先髣髴桑稀林已斜柳弱條可屈蛛絲罥晴  
陽鼠土壅新窟徐驅款段馬放轡不呵咄與爾同道遙  
紅塵免蓬勃

重經車輞谷

傳家集卷二 古詩一

二

昔年道經車輞谷直上七里鹽南坡今年行役復到此  
方春流汗如飜波中塗太息坐磐石涕泗不覺雙滂沱  
我生微尚在邱壑強若麋鹿嬰虞羅人踰三十只有老  
後時過此知如何雲泉佳處須速去登山筋力行蹉跎

送崔尉

堯封

之官巢縣

弱歲家淮南常愛風土美悠然送君行思逐高秋起巢  
湖映微寒照眼正清泚低昂感荷芡明滅縈葭葦銀花  
鱸肥魚玉粒炊香米居人自豐樂不與佗鄉比況得良  
吏來倍復蒙嘉祉君爲太學生氣格已英偉登科如拾  
遺舉步歛千里毋嫌位尚微觀政此爲始尊公久場屋

上國困泥滓豈不重相離念子勉爲理當令佳譽新熒  
熒滿人耳高堂雖在遠聞之足爲喜何必羞三牲然後  
稱甘旨

酬宋次道初登朝呈同舍

林葩積浮脆煙霧矜春安山桂結芳堅冰霰橫秋枝夫  
君名卿嗣華實雙葳蕤如何仕不偶通籍鬢生絲豈非  
秋桂類不足煩嗟咨我今三十餘汨沒無佗竒正恐食  
浮人敢言位猶卑同登天子廷自視誠非宜清朝正求  
治諫路方坦夷太平可立致此任非君誰

奉同范景仁宋次道太常致齋韓廷評維見過  
闍人不時內韓去乃知爲詩謝之

傳家集卷二 古詩一

三

端居太常署寒日淡孤清取酒呼諸友談笑方縱橫韓  
君士林秀四海依高名家襲鍾鼎貴身無簪組縈逍遙  
風塵外萬物秋毫輕未嘗妄過人所過以爲榮如何枉  
玉趾及門失相迎主人豈傲客事有迷誤并追延旣不  
及相視徒嗟驚威鳳顧脩梧不下還孤征景星歛呈彩  
旋有流雲生靈物固難覩俗眼真不明投謝有何物珉  
石從雙瓊

送守哲歸廬山

哲公金陵來神韻自孤秀京華三十春高節愈幽茂烜  
赫公卿門道俗日奔走自非趣尚合三息不相就慷慨  
賢豪士波溢千金富蔬飯苟有餘秋毫未嘗受囂歎不

可變堅白如瓊琇居然尚愁寂終厭塵土臭忽思香爐  
雲蒼蔚冠孤岫振衣尋昔遊煙霞宛如舊絡木藤蔓長  
攫石松根瘦瀑泉響夜壑乳管添春竇茅茨蔭方丈宴  
坐度清晝几席兩竒花階除馴猛獸方知物外樂回視  
人寰陋慎勿露聲光愚迷將輻湊

清明後二日同鄰幾景仁次道中道興宗元明  
秉國如晦公疎飲趙道士東軒以日暮天無雲  
春風扇微和爲韻得和字

寂寥清明後餘春已無多閑軒富佳致不惜載酒過水  
木晚尤秀風煙晴更和臨樽不盡醉奈此芳菲何

晉康陳生庸家世以孝悌聞有異木連理生其

傳家集卷二 古詩一

四

庭郡欲旌表其門不果王禹玉爲之求詩於朝  
之士大夫以紀之

靈珠蟠泥沙積水不能掩賢人畜美德豈必自標檢陳  
生世同財百口共豐儉遠居嶺海間天質非陶染邦人  
慕其行鬪辯日衰減祥木并殊柯童童植軒檻或欲揭  
其門令人識儀範愚公私不然外獎由內歎已能孝悌  
著默致神靈感何必賜牛酒然後明褒貶况茲詩詠未  
瑣瑣事鈿槩才薄不敢辭適能爲汗點

送邵興宗之丹陽

赤日裂后土萬家如烘爐君行何事役似爲貧所驅埃  
塵稍去眼雲景日蕭疎扁舟乘長風倏忽變三吳六年

羈旅倦一旦誰掃除慎勿忘回首浩蕩江山娛

瘦盆

瘦盆生以醜自鬻空兀當軒聳翠目海鼃鬪怒腹幹張  
老蛟蟠螫鱗鬚秃昔時仙客浮孤槎波痕漬朽成凹窪  
蜀都賣卜置之去爾來流落嚴遵家誰逢好事得寶蓄  
裁供盥濯真可辱况為飲具承歡娛未必蹠根勝珠玉  
不若剗為太古尊滿斟明水羞百神由桴葦籥薦忠信  
坐使風俗還深淳

送張兵部

中庸字元常

知遂州

劍嶺橫天古棧微相如重駕傳車歸雙親倚門望已久  
千騎踏雪行如飛人間富貴非不有似君榮耀真亦稀

傳家集卷二

古詩一

五

聞道西州遺畫像使我涕淚空沾衣

先人知小溪縣正  
版籍均賦役聞邑

人至今謂之  
畫像猶存

同舍會飲金明沼上書事

日華駘蕩金明春波光淨綠生魚鱗煙深草青遊人少  
道路苦無車馬塵石渠諸君職事簡載酒擷花畏花晚  
浮舟逐勝任所之箕踞狂歌叩舷板眼花耳熱氣愈豪  
擲杯擊案聲嗷嗷驚沙颯颯繞洲渚魚龍遷去避我曹  
人生大料無百歲貴賤賢愚同一致在家殺菽餘幾何  
一日風光不宜棄

新遷書齋頗為清曠偶書呈全董二秀才并示

姪良富

長夏暑候濁雲火高噴岫豈徒肌骨煩禾卷川流乾新  
居得南齋楹檻稍虛寬森羅對草樹曉暮清陰寒汎掃  
布几簞氣體粗可安圖書雖非多亦足備覽觀聖賢述  
事業細大無不完高出萬古表遠窮四海端於中苟得  
趣自可忘寢餐况今有道世穀祿正可干勛哉二三子  
及時張羽翰力學致顯位拖玉簪華冠母爲玩博奕趣  
取一笑歡壯年不再來急景如流丸

奉同何濟川迎吏未至秋暑方劇呈同舍

釋金避老火暑勢尤驕盈朱光爍厚地萬葉焦無聲夫  
子久倦遊得郡爲親榮束裝待騶吏歸期殊未成埃沙  
塞廣陌蓬藿擁前楹出處兩不愜孤坐心煩縈何時驚  
颺來掃蕩天地清郊墟草樹疎千騎從雙旌飄飄若神  
仙阜蓋西南征離羣詎幾時豈不懷友生有意肯相過  
不妨巾屨并官舍稍虛涼愧無殺酒迎

晚食菊羹

朝來趨府庭飲啄厭腥羶况臨敲扑喧憤憤成中煩歸  
來褫冠帶杖屨行東園菊畦濯新雨綠秀何其繁平時  
苦目痾滋味性所便采擷授厨人烹淪調甘酸毋令薑  
桂多失彼臭味完貯之鄱陽甌薦以白木盤鋪啜有餘  
味芬馥逾秋蘭神明頓颯爽毛髮皆蕭然迺知愜口腹  
不必矜肥鮮嘗聞南陽山有菊環清泉居人飲其流孫  
息皆華顛嗟予素荒浪強爲簪綬牽何當葺敝廬脫畧

區中緣南陽句嘉種蒔彼數畝田抱甕親灌溉爛漫供  
晨餐浩然養恬漠庶足延頽年

和吳冲卿崇文宿直觀壁上題名見寄并寄邵

不疑

冲卿詩序僕與不疑三人同登進士同自太學官入校集賢書又嘗同直一室今不疑謫南方僕佐東平冲卿因宿直觀壁上題名為詩代書

白袍昔紛紛相與會東堂帝梧碧蕭瑟翔集皆鸞鳳伊  
子素空疎濫吹翰墨場不爲羣儁遺出處聯簪裳爾來  
凡六閏轉轂飛炎涼同歌太學下共醉金馬旁脩竹壓  
窗寒天桃倚户芳金盤剖盧橘玉壺分蔗漿驚呼局上  
急嘲笑杯間狂神情一契會形迹兩俱忘歡餘嘆薄宦  
離合何能常濡毫紀歲時揮霍素壁光去秋隨相車公

傳家集卷二 古詩一

七

牒來東方城中未徧辭不疑逐南荒奔波走郊外取別  
何蒼黃舉觴未及盡亟歸還東裝行行到官下日積簿  
領忙文書擁筆端胥史森如牆况當三伏深霑汗尤淋  
浪細蠅繞眉睫驅嚇不可攘涔涔頭目昏始覺冠帶妨  
誠知才智微吏治非所長懼貽知已羞敢不益自強因  
思甌閩遠南走侵溟漲炎蒸異中縣從古無雪霜終朝  
坐茅屋鹽茗征行商謹謹費口舌解囊收毫芒不疑性  
高介此困安可當山川幾千里問訊誰能將冲卿居京  
邑青雲正騰驤寓直紫臺上風露澄東廂清夜不成寐  
緩步聊彷徨拂此壁上塵遠懷同舍郎英辭欬感發高  
義紛激昂泠泠宮殿虛諷咏何琅琅手書成兩通貯之

古錦囊一往泉山南一致汶水陽堅重金壁體光寒牙  
劍鋸迺知賢傷心淺俗未易量何嘗用榮枯遠爾分否  
臧居然激哀薄更使清風揚

昔別贈宋復古張景淳

昔別如飛蓬飄蕩隨所適那知十六載卮酒對今夕渺  
然思舊遊間不容一息百年詎幾何會合難屢得復古  
素愷悌志行重金錫皎如百鍊精不為燥濕易景淳氣  
高逸浩蕩誰與敵下筆驚雷霆龍蛇走屋壁居然器業  
美但有富貴逼佗時縮金印濁求愈愁寂須窮今日懽  
快意浮大白勿辭簪弁傾頽然倒樽席

初見白髮慨然感懷

傳家集卷二 古詩一

八

萬物壯必老性理之自然我年垂四十安得無華顛所  
悲道業寡汨沒無他賢深懼歲月頽宿心空棄捐視此  
足自儆拔之迺違天留為鑑中銘晨夕思乾乾

謝胡文學九齡 惠水牛圖二卷

牛生天地間益物用最大其功配坤元彖爻參衆卦血  
毛類上帝矜蠻景福介宗廟及賓客百禮無不在引未  
刺中田粒食烝民賴服箱走四方竭力任重載昔聞戴  
叟筆圖寫窮纖芥胡君繼其妙差肩立異代公卿仰名  
聲一觀不可句如何散賤者遠有雙圖賚所嗟性顛愚  
雅不曉佳畫有如歌九韶鐘鼓樂聳聳得之乃虛器無  
異居大蔡神物恐化去立召風雨怪雙圖雖卷還重貺

敢不拜

王書記以近詩三篇相示各撫其意以詩賡之

感遇

白鷗出江渚刷羽何鮮新志陵青霞端欲飲天漢津清  
颺未我與波澤聊逡巡偶爲虞羅獲遠趣無由伸樊籠  
厭局促野性那能馴庭除數驚顧慘慘常畏人皓素不  
入俗衆目誰爲珍稻粱不充腹日與雞鶩鄰舉頭畏太  
高俛啄空愁辛蕭蕭斂六翮憔悴傷精神男兒五十不  
如意青衫華髮遊埃塵曩爲鹽官北如晉今爲幕吏西  
適秦慨然遂欲拋手板拂衣高蹈錦水濱長竿短艇入  
煙雨放歌酣飲歆烏巾方今聖朝清似水林空谷靜無  
隱淪吾君夢卜偶未到勿學君平與子真

傳家集卷二 古詩一

九

投梅聖俞

聖俞精爲詩堅重比白玉至寶識之希未必諧衆目應  
辰仰高風跂聳自西蜀平生未相識歉歉不自足薄遊  
困京師旅食止脫粟得官當入秦行李未結束先求聖  
俞門執贄請所欲九衢季冬月風沙正慘贖羸馬憚遠  
行毛鬣寒瑟縮旅拒不肯前一步九刺蹙飢童袖擁口  
手足盡皸瘃論詩久未出竊罵怨滿腹歸來面揚揚氣  
若飶梁肉纍纍數十字疎淡不滿幅自謂獲至珍呼兒  
謹藏蓄長安十五驛重複間川陸置詩懷袖間勸懣輒  
披讀高吟桑野闊日暝即投宿自可忘羈愁行瞻灞陵

曲

呈范景仁

劍山中斷融爲川清江雙流鬱迴旋溝塍阡陌粲如繡  
香杭紫芋皆良田地靈物秀氣淑美由來袞袞生英賢  
朝家文明所及遠於今臺閣尤蟬聯獵纓鳴佩走聲望  
出入金馬如雲煙奈何應辰獨坎壤華髮未得離賓筵  
璵璠懸黎已爲寶結綠豈得偏棄捐願君彈冠自重惜  
邑人行誦子虛篇

酬胡侍講先生

暖字翼之

見寄

后王命天官考績弊羣吏屬曹省閱閱專職米鹽事賤  
生偶承乏竊祿聊自庇才力困不逮慘慘日憂惴賴依  
僚友賢剽裂洩餘地自知雖寄名不足繫軒輊先生喜  
誘掖貽詩極褒賁誰云歲杪寒面熱汗沾漬非不悅子  
道駑鈍力難致常恐負吹噓終爲重言累

同張聖民過楊之美聽琵琶女奴彈啄木曲觀

諸公所贈歌明日投此爲謝

坐曹據案心目疲出門上馬行何之闕然久不見之美  
率意共往初無期正逢攬轡欲有適爲我却解連環羈  
閑軒適足容數客夏木初繁有佳色呼兒取次具杯盤  
青眼相逢喜無極檀槽錦帶小青娥妙質何須誇綺羅  
按絃運撥驚四座當今老手誰能過彈爲幽鳥啄寒木  
園林颯颯風雨和啄長爪短躍更上丁丁取蠹何其多

由終拂羽忽飛去不覺酒盡朱顏酡已聞啄木曲又觀  
啄木歌雄文更復值絕藝有如天際傾長河今朝壯觀  
誠極樂去此將奈寂寞何歸來解帶豁曾腹坐踞胡牀  
仰看屋從今三日不洗耳耳內泠泠有殘曲人間何物  
號富貴紆紫懷金盡虛器如君自處真得策身外百愁  
都擲置太學餐錢月幾何客來取酒同醒醉

晚歸書室呈錢君倚

簿領日沈迷事役等胥靡得歸無所爲未免閱書史一  
種勞精神胷中異憂喜人生無苦樂適意即爲美迺知  
抱關人不必羨青紫

偶成

傳家集卷二 古詩一

十一

於陵薄三公桔槔親灌園伯成輕南面執耒耕邱樊淵  
明恥爲令乞食倚人門賢人樂遂志榮辱安足言鄙哉  
夸毗子結駟乘朱軒

同錢君倚過梅聖俞

王畿天下樞簿領日填積自非奉朝請九衢未嘗識今  
茲到東城胥靡蹙逃役近指聖俞居安能不往覲一室  
靜蕭然昏碑帖古壁叩階讀新詩迷闇得指擿笑言殊  
未足黯然日將夕呼馬涉歸塗燈火已歷歷又知幾何  
時更有重來迹

梅聖俞惠詩復以二章爲謝

我得聖俞詩於身亦何有名字託文編佗年知不朽

我得聖俞詩於家果何如留爲子孫寶勝有千金珠

和錢君倚藤牀十二韻

嗟予仕京府謀祿非謀身豈徒勞百骸消鑠侵天真所  
畏曠官誅敢辭從事勤朝訊獄中囚暮省案前文雖有  
八尺牀初無偃息痕比歸斲解帶日沒軒窗昏援枕未  
及就撲面愁飛蚊未能習律令何暇闕皇墳夫君天才  
秀明穎排糾紛右曹况清簡割裂奚足云未遇且堅臥  
逢時將致君行當起經濟膏沐醒吾人

旬慮十七韻呈同舍

府官無旬休慮問迺遊息詔書禁從詣還舍始朝食緩  
帶對藜羹下筯免促迫門前吏卒散却掃謝來客北軒

傳家集卷二 古詩一

十一

有藤牀今晨始拂拭蓬髮亂宜梳霜髭開可摘開囊曬  
藥物發笥出書冊菊畦親灌浸茶器自涓滌於時孟秋  
末天晴色紺碧林葉雖未零風聲已浙瀝神明還九藏  
清氣襲百脈征夫解甲胄疲馬脫羈勒蜚鳥開樊籠跳  
魚出鼎鬲形骸盡我有不復爲物役雖非久安逸幸得  
少頃適訟庭止敲扑咫尺異喧寂明朝不能然顧盼愁  
月夕

夜坐

春陽氣未勝重爲陰所乘涔涔積雨闕慘慘餘寒增流  
雲鬱不開烈風尚憑陵夜闌閉戶牖青暈生昏燈僮僕  
悉已眠書几久歎凭涉獵閱舊聞斲使心魂澄有如行

役歸邱園悅重登又如遠別離邂逅逢友朋嗟嗟宦遊  
子何異魚入罾奪其性所樂強以所不能入人生本不勞  
苦被外物繩坐愁清旦出文墨來相仍吏徒分四集僕  
僕如秋蠅煩中劇沸鼎入骨真可憎安得插六翮適意  
高飛騰

二月中旬慮問過景靈宮門始見花卉呈錢君  
倚

賤生叅府僚勉強踰半歲終非性所好出入意如醉訟  
庭敲扑喧衆草絕生意不知有青春倏忽已改燧周章  
連日忙爛漫數宵睡軒窗岌飛舉風雨頗恣睢謂言芳  
菲物狼籍應掃地今晨呼馬出歷獄問囚繫竊窹清宮  
深倉琅朱門閉廣殿肅層陰虛庭藹佳氣長楊委嫩綠  
老柏淨新翠薜荔垂蛇延竒石立蠹窟豁然愁憤開精  
神四面至事役難少留馬去尚回睇亦足慰無聊年華  
不都棄

和始平公夢中有懷歸之念作詩始得兩句而  
寤因足成一章

元宰撫洪鈞四海可熏灼至人養天真視此猶嬰縛出  
入金鼓威寤寐琴樽樂迺知伊吕心未始忘邱壑

和江鄰幾六月十一日省宿書事

長夏金正伏火意尤驕盈夫子寓官舍無術逃煩蒸軒  
窗豁四開滅去壁上燈紵衣不可親羽扇安能勝濯泉

泉已温撫簞簞可憎萬葉悄無風但有飛蚊鳴六府燥  
不濡喉舌煙塵生攝衣起徐步四顧天正晴雲漢淺欲  
涸箕畢徒縱橫忽思終南巔秀出秦雲青上有長松林  
蔽日深杳冥下有萬仞壑含蓄太古冰安得躡輕屐杖  
策緣崢嶸挂冠芙蓉闕結屋高崖稜回視萬鍾祿影撒  
如飛蠅

和張仲通學士苦暑思長安幕中望終南秋雪

呈江鄰幾

秋雲覆秦川小雨野未濕誰言終南頂已有霰雪集返  
景開新晴曩顏照都邑初疑江津闊遠浪橫風急又疑  
龍蛻骨逶迤委原隰詞客登高樓四望清興入當時應  
百篇遺散不復拾今茲官帝城大暑困鬱悒紅塵滿九  
衢出入冠帶襲家居賓旅來俯僂煩拜揖回思幕中趣  
引領安可及江翁養文采正如玄豹螫君往犯其嚴騰  
起誰敢螫嗟予素恇怯旁睨毛髮立強復綴此章庶幾  
勇可習

傳家集卷二

古詩一

七四

和張仲通追賦陪資政侍郎吳公臨虛亭燕集  
寄呈陝府祖擇之學士

吾家陝之北陝事吾能說孤亭占城隅形勝最殊絕雲  
消天宇空極目鳥飛滅大河西北來洶湧地脈裂萬里  
卷流沙長驅走溟碣羣山勢離合披靡隨曲折林薄帶  
村墟郊原如繡纈祠宮望神禹開田指虞芮高邱想巫

咸空巖懷傳說聖賢迹已遠縹渺見風烈吳公昔爲守  
治行瑩冰雪君從豐鎬來華館息塵轍主人喜嘉客置  
酒升帶嶼清歡浩無涯燭至樽未撤誰知捧手辭遽有  
幽明訣至今猶墮淚遺愛滿耆耄擇之新下車條教悉  
施設依然典刑在先後如符節嗟予仕京邑苟祿自羈  
紲邱壟翳荒松三年灑掃缺求歸未能得朝莫腸百結  
得君臨虛詩髣髴見里闕何時往登臨曠若目去曠憂  
來復長吟益使寸心折

次韻和吳冲卿秋意四首

槐花滿庭除籍籍不可掃稍疎召平瓜漸熟王陽棗失  
時團扇弃新進袷衣好日暮益愁思寒蟬起幽草忽聞  
秋興篇嘆賞幾絕倒

傳家集卷二 古詩一

五

端居倦煩暑園圃久不窺兩餘秋氣新紅葉生紫梨形  
骸得蕭散不知環堵卑何能效流俗把酒須菊枝登高  
已可醉四野青雲垂

縱棹下清溪波靜地仍偏日夕水風涼蕭灑成安眠兀  
兀但高枕悠悠還進船中流忽驚寤漁父歌扣舷山川  
非曩時回首雲霞邊

弱植生川澤託根北堂後昔時青春姿扶疎映軒牖風  
霜日消落憔悴復何有蠹穿枯節斷雨漬虛心朽幸不  
天天年猶得勝凡柳

和邵不疑校理蒲州十詩

飲亭 亭有流盃渠

飛蓋名僚集臨流芳宴開縈紆漱文石次第傳清盃迴  
波亦多意并泛落花來

涌泉石

樞密學士蔣公知府事得片石大如席上有數十竅莫知所施公問石工對曰此蓋涌泉石也乃於飲亭下鑿地爲埒置石其上夏日從旁激水灌之躍高數尺以清暑氣

蒼然片石寒百道飛泉吐高堂忽蕭颯坐失炎蒸苦蛟  
龍卧欲飛仰嘖秋空雨

翠樓

條山翠氣橫隱嶙秋空窄危樓雨初度卷幌延佳色撲  
撲滿前軒嵐光真可擗

傳家集卷二 古詩一

六

碧樓

煙瓦疊琉璃危樓半空倚歌鐘奉高宴聲來碧雲裏日  
暮天四垂黯淡如秋水

靜齋

聊窺碧甃缺寒草生歷歷時  
聞山鳥呼未得全幽寂

槐軒

軒已幽况復植宮槐簷外陰沉綠南山雨氣來道  
遙不知久驚此黃花開

涼

清風滿四境豈獨華棖下不

若楚臺人披襟獨蕭灑

美藻軒

荷花爛漫紅不見方塘水蕉莢結飛閣葺惹清香裏露  
重忽歆側翩然翠禽起

惜花亭

春意復蹉跎園林日愁寂枝邊綠陰重砌下紅英積茲  
亭花最繁飄零尤可惜

竹軒

茂密正當軒歆垂欲侵案風枝忽交戛月影爭凌亂誠  
嘉君子心匪直林亭玩

和昌言官舍十題

傳家集卷二

古詩一

七

石榴花

靈根逐漢臣遠自河源至流離徧中壤今茲盡苗裔畏  
日助殷紅凍雨滌濃翠宜攜避暑客花下縱橫醉

薏苡

佳實產南州流傳却山瘴如何馬伏波坐取邱山謗夫  
君道義白復爲神明相厲氣與流言安能逞無狀

石蘭

楚人歌紫蘭華禁無傳久循名意茲是誰得明真否天  
憐菊性孤秀發秋風後固令芳物生聊作黃花友

萱草

葉濯宿露翠花迎朝日黃昔誰封殖此儼列侍高堂達

士隱於吏孰爲行與藏逍遙玩水日自無憂可忘

蜀葵

白若繒初斷紅如顏欲酡坐疑僊駕嚴幢節紛駢羅物  
性有常妍人情輕所多萋蒲儻日秀棄擲不吾過

畦蔬

隙土惜荒棄翦治成春畦講零時澤洽葵荏高參差醜  
渠若貫脈疏腠如畫碁爲吾謝來客桔槔毋語機

水紅

夢想水鄉遊階庭植籠古宛如江外行高帆落寒浦煙  
枝靜疎秀風穗閑低舉於今看未好漠漠宜秋雨

甘菊

傳家集卷二 古詩一

七

野菊細瑣物籬間私自全徒因氣味殊不爲庖人採  
升白玉堂薦以黃金盤願若南陽守永扶君子年

蘭

賢者非無心園夫自臨課執植日繁滋芬芳時入座青  
蔥春茹擢皎絜秋英隋正苦郢中人逸唱高難和

病竹

園竹久不治蕪沒真可弔豈無枯槁容蕭疎自殊調至  
人愛高節命斧除藿藿何用報至恩清陰與長嘯

謝興宗惠草蟲扇

吳僧畫團扇點綴成微蟲秋毫宛皆具獨竊天地功細  
者及蛛蝥大者纔阜螽枯枝擁寒蛸黃葉粘飛蜂翾然

得生意上下相追從徒觀飛動姿莫睹筆墨蹤兒曹取  
真物細校無不同恐其遂躍去亟取藏箱中乃知藝無  
小意精神可通不興誤圖蠅能惑紫髯翁子猷狀蟬雀  
藏寶傳江東不知古何如此畫今爲雄人墓木已拱其  
徒頗能工舊法存百一要足超凡庸友人幸爲賜物薄  
意何隆玩之不替手愛重心無窮常如對君子穆穆來  
清風

司馬文正公傳家集卷第二

傳家集卷二

古詩一

九

蘇州府學教授浦起龍校字

司馬文正公傳家集卷第三

後學桂林陳弘謀重訂

古詩二

和王勝之雪霽借馬入局偶書

勝之家本公侯貴弱冠英才已驚世維陽多士誰敢倫  
千古比肩唯賈誼昔遭絳灌深切齒奔走十年爲下吏  
近方杖屨出泥塗稍學和光匿鋒銳會計之官豈足爲  
黽勉簿書聊自庇王城九衢臘月尾風雪數朝窮恣睢  
樞間款段疲且病借馬於人亦疲曳揚鞭掣轡趨省廷  
刺感不前泥沒鼻慨然遂有勞者歌滿紙雄文歛軒輕  
人生榮遇有早晚視此錙銖勿關意况君卓犖高出羣  
異日青雲終自致鮮車大蓋擁驂驪莫忘今朝乘小駟

傳家集卷三

古詩二

一

齊山詩呈王學士

哲字微之

江上有奇山羣峰矗如翦昔聞齊刺史置酒升絕巘其  
人有惠政嘉名自茲遠君來踵其迹詞牒日清簡驪駒  
時入谷勝地窮搜選問俗復懷人非徒事遊行

吹簫

古人吹簫者以和虞韶聲後世不復貴給喪仍賣錫

和始平公見寄

嚮來從後車雍容鎮藩垣政成簿書簡終日侍清樽今  
茲備言職不得登朱門違離詎幾時風色變寒溫忽聆  
吉甫什穆如承話言安得六翮生隨意遠飛翻垂耳倦

新羈蹠足思華軒諒無伯樂顧疲勞安敢論

又和并寄楊樂道

聖主樂忠諫曲從如轉圜玉色粹陽春至仁生自然所  
慙羣臣愚無以稱開延賤生何爲者側足青規前頑石  
不可鍊安能補高天狂簡昧大體所依官長賢有如驂  
之靳左右隨周旋庶幾助山甫衮職無尤愆緬思老成  
人阻親函文筵豈不寸心勞動爲纏微牽何當執壽卮  
跪起得差肩相顧藐無期瞻望徒悁悁

朝雞贈王樂道

小雞距短雙翅垂廣場勇鬪無所施清曉長鳴獨先衆  
朝者恃此能知時星河滿天月光白東望扶桑悄無色  
一聲高舉耳目醒四遠羣陰俱辟易陋巷人踈煙火稀  
永夜沈沈鐘鼓微聞之徐起就盥櫛顛倒不復憂裳衣  
君家迥居北城曲阿閣嚆嶢日鳴玉蕭蕭風雨得司晨  
不使無功啄君粟

謝始平公以近詩一卷賜示

皇家駿命承蒼穹烝民之傑生維嵩聖賢會合若符契  
坐致四海登熙隆三階清平九鼎重指麾拱揖安華戎  
人情誰不樂將相往往皓首忘疲癢北平飲乳尚懷印  
千秋乘車猶入宮唯公致政年甫至耳目明利志氣充  
幡然脫去萬鍾祿羽儀高遠如翔鴻靈臺不復絙塵務  
至德恬澹含黃中英華純粹積不發事業轉爲文字工

大篇短韻閒金石遠追吉甫流清風刻雕鏤物非用意  
默與元化參神功應劉鮑謝事竒巧細瑣豈足誇才雄  
裸圭夷玉清廟器肯與環玦爭玲瓏絳帳生徒東閣客  
微官拘繫如樊籠言詩何敢望商賜幸得誦詠祛童蒙  
昏花病目不自惜服膺盥手書一通千金之產不可易  
子孫寶蓄傳無窮

早春戲作呈范景仁

閏餘春意早卉木先有思嚶嚶羣鳥翔東西各求類伊  
子忝諫垣動息抱憂悸袞職曠不補言責真可畏况復  
禁過從陋巷若囚繫茅茨庇風雨偏隘無餘地時於壞  
垣隙歷歷生新薺君侯乃比隣跬步難自致常思去歲  
初西軒習歌吹座客皆故人歡笑無拘忌平生不喜酒  
是日成爛醉豈言長揖歸良會難再值東風忽復來時  
華一何駛叢竹固無恙天桃作花未朝廷正清明詎肯  
容竊位何當遂廢放歡飲還自恣

夏夜

溽暑鬱不開轟轟雲萬疊長風卷地來凍雨不濡葉雖  
無潤物功涼冷得所愜須臾號怒息清月照壁頰小冠  
簪短髮衣裾輕獵獵敬傾依曲几暫爾蘇疲茶坐久不  
思眠草閒微露浥

和范景仁西圻野老

西郊廣路浮壤黃上天雨泣寒雲蒼鸞旗關戟紛晦靄

扈從威神歸帝鄉，田家老父眉睫白。杖藜匍匐泣路傍，且云生逢至仁主。蠲租罷役歲為常，蠶收百箔桑蔽野。麻麥極望無邊疆，去年翠華出賽雨。錦繡綿絡墟里光，拜迎六馬負縑帛。孫扶嫗接歸揚揚，自分謳歌畢餘景。一朝縞素安可防，哀聲瀕洞徹四極。草木慘澹顏色傷，螻蟻衰齡不足贖。淚如飛雪空霑裳，河滎洛貫嵩峰足。泉底寰瀛日月長，羨門已閉屬車返。輓上空瞻金鳳凰。

種竹

種竹南牆陰，竹生皆北嚮。苟非陽在北，竹性安可強。乃知就陽意，草木皆有情。園葵最柔弱，獨取傾心名。

和王介甫巫山高

傳家集卷三

古詩二

四

巫山高巫山之高高不極，寒江西來曳練長。羣峰森羅十二戟，清狄悲號裂翠崖。老蛟怒鬪摧丹壁，輕生重利三巴客。一葉直衝高浪白，船頭吟嘯坐自如。仰視長天不盈尺，叢祠象設儼山椒。巫祝紛紛非一朝，云是高唐神女之所處。至今暮雨常蕭蕭，我聞神理明且直。興亡唯觀惡與德，安肯來從楚國君。憑依夢寐為淫昏，襄王之心自荒惑。引領日望陽臺雲，獨不思懷王西行不復返。甲光照地屯秦軍，蠶食黔中下荆門。陵園宗廟皆燒焚，社稷飄零不復存。嗟嗟若敖蚡冒，筭路藍縷空辛勤。昔予嘗權宰韋城，今重過之二十五年矣。慨然

有感

二十五年南北走遺愛寂然民記否昔日嬰兒今壯夫  
昔日壯夫今老叟

秋懷呈范景仁二首

草木正蕃廡孰知天地秋况茲宿雨餘景氣益和柔消  
搖愧簪紱夢想懷林邱茲志久未果素髮今已稠仰視  
白日光浩蕩浮雲流安得黃鵠羽陵風千里遊  
疇昔共登仕爾來三十秋常晞絲繩直竊恥鴟夷柔蹄  
涔學鉅海螳垤依崇邱行之不自疑親寡憎怨稠於今  
不亟去淪胥恐同流努力買良田遠追沮溺遊

贈道士陳景元酒

籬根委餘菊階角擁殘葉清言久不挹何以慰疲茶朋

傳家集卷三 古詩二

五

樽涵太和高興雅所愜誰云居室遠風味自可接

范景仁召飲東園呈陳彥升宋次道李才元蘇  
子容

去冬辱嘉招寒風方鼎鼎今秋侍高宴晴日正澄麗雖  
無花繭繁且有邱樊思雖無山泉樂斲違塵土氣僕休  
散城邑馬縱脫羈轡謹呼笑言適散誕冠帶棄殊勝禁  
掖嚴進止有常地

虞帝

虞帝老倦勤薦禹爲天子豈有復南巡迨迨渡湘水至  
德遠無象異論紛紛起意疑大聖人姦險亦如已乃知  
中下士何由逃謗毀

聶著作三舅謫官長沙作耐辱亭書來索詩

少連善降志無恤能忍詬茲亭名耐辱締構自吾舅樽  
前湘水清席下湘山秀於焉忘榮枯終日醉醇耐攻愁  
若攻敵避喧如避寇困久理須通非徒保無咎

走索

伎兒欲誇衆喜占衢路交繫組不厭長縛竿不厭高空  
中紛往來巧捷如飛猱却行欠膚寸倒絰連秋毫參差  
有萬一蓋粉安可逃錢刀不盈掬身世輕鴻毛徒資旁  
觀好曹偶相稱衰豈知從事者處之危且勞

卻不疑廳薜荔及竹

修竹非俗物薜荔亦嘉草樹之君子庭人來見逾好侵

傳家集卷三 古詩二

六

階鶴脰細緣壁龍鱗老紛披兩疎翠煙色宜秋早主人  
日封植清風庶長保

和公達過潘樓觀七夕市

織女雖七襄不能成報章無巧可乞汝世人空自狂帝  
城秋色新滿市翠帟張偽物踰百種爛漫侵數坊誰家  
油壁車金碧照面光土偶長尺餘買之珠一囊安知杼  
軸勞何物爲蠶桑紛華不足悅浮侈真可傷

酬江鄰幾問不飲栽菊鄰幾詩曰君實不飲酒  
庭下多栽菊不知黃花

開奈此杯中綠凌晨煙露滋後日  
風霜促欲表君苦心宜種子歛竹

黃菊本天物先隨元化生酒醴迺人功後因儀狄成酒  
客強親菊菊酒初無情種之荒階側何嘗妨獨醒修竹

氣瀟灑自合生君庭

次韻和卻不疑假書江鄰幾知方酣寢為詩通  
意

江翁順天和心迹兩夷簡雖如邊韶寢且異宰予懶平  
居無時閑經史自課限高歌慕翰林鳴琴寫中散儵然  
物外人強為章綬縮官舍苦秋霖瞬息聊休眼勤勤已  
有餘宴安何愧報借書誰敢驚欹枕尚未暖不疑神驥  
才垂耳困阜棧碌碌隨吾儕拜揖把手版毋嫌朱墨倦  
騰舉已為晚慎勿思山林山林付愚孱

八月十七日夜省直紀事呈同舍

窮秋直省舍大雨吁可畏九河翻層空入夜愈恣睢置

傳家集卷三 古詩二

七

牀東壁根時有塗墍墜颯颯勢將摧怵惕不成寐中宵  
抱衾立呼燭久方至徙之近西偏裊帳不能備飛蚊胡  
不仁忍此加啄噬避煩只深藏悒悒面蒙被須臾漏轉  
劇枕褥亦沾漬雖起欲何之室中無燥地展轉遂達旦  
耿耿負憂悸因思閭井民餬口仰執技束手已連旬妻  
兒日憔悴囊錢與盜米薪木同時賈敗衣不足準搏手  
坐相視予今幸已多敢不自知愧無謀忝肉食念爾但  
增歎

送雷太簡

南山有白雲應物任所適歎來非有心倏去還無迹甘  
澤望霑浹嘉生待蘇息無為遽收卷復入巖間石

和王介甫烘蟲

天生萬物名品夥嗟爾爲生至么麼依人白活反食人  
性喜伏藏便垢浼晨朝生子暮生孫不日蕃滋踰萬箇  
透踈緣隙巧百端通夕爬搔不能卧我歸彼出疲奔命  
備北驚南厭搜邏所擒至少所失多捨置薰燒無術奈  
加之炭上猶晏然相顧未知亡族禍大者洋洋迷所適  
奔走未停身已墮細者懦怯但深潛乾死縫中誰復課  
黑者抱髮亦憂疑逃入燥頭默相賀腥煙騰起遠襲人  
袖擁鼻端時一唾初雖快意終自咎致爾殲夷非爾過  
吾家篋笥本自貧况復爲人苦慵惰體生鱗甲未能浴  
衣不離身成脆朽繒壞絮爲淵藪如麥如麻寢肥大

傳家集卷三 古詩二

八

虛腸不免須侵人肯學夷齊甘死餓醯酸蝟聚理固然  
爾輩披攘我當坐但思努力自潔清羣蟲皆當遠邇播

和吳冲卿三哀詩

江鄰幾梅聖俞韓欽聖

天生千萬人中有一雋傑奈何喪三賢前後纔朞月鄰  
幾任天資浮飾恥澡刷朝市等山林衣冠同布褐外無  
涇渭分內有淄澠別逢時敢危言慷慨誰能奪聖俞詩  
七千歷歷盡精絕初無追琢勤氣質真清潔負茲驚世  
才未嘗自標朽鞠躬隨衆後側足畏蹉跌欽聖渥注駟  
初生已汗血雖有絕塵蹤不失和鸞節宜爲清廟器儼  
雅應鍾律衆論誠共然非從友朋出羣材方大來軼軋  
扶帝室誰云指顧閒聯翩化異物弔縗哭未已病枕氣

已竭同爲地下遊攜手不相失紳紱頓蕭條相逢但嗟  
咄誦君三哀詩終篇涕如雪眉目尚昭晰笑言猶髣髴  
蕭然來悲風四望氣蕭瑟

和邵不疑送虜使還道中聞江鄰幾梅聖俞長  
逝作詩哭之

昨夕郵吏來叩門致書函呼奴取以入就火開其緘不  
疑賦長篇發自燕之南痛傷江與梅繼踵良人殲噫嗟  
知其二尚未知其三請從比較後覩縷爲君談鄰幾雖  
久病始不妨朝參飲歡寢衰少厥逆生虛痰逮於易箆  
辰皮骨餘啞嵌遺書屬清儉終始真無慙聖俞食寒冰  
外以風邪兼愚醫暴下之結轡候愈添惛惛氣上走不  
復容鍼砭自言從良友地下心亦甘欽聖體素彊藥石  
性所諳平居察舉措敢以不壽占一朝薨歸卧簿領不  
廢簽訃來衆皆愕未信猶闕覘興言念三子舉杖涕已  
霑英賢能幾何逝者迹相銜君疑天上才難得帝所貪  
我疑人間美多取神所嫌茫茫幽明際著蔡難窮探憂  
來不可忘終日心厭厭

和梅聖俞詠昌言五物

括蒼石屏

主人小石屏得之括蒼山括蒼道里遠致此良亦難層  
崖萬仞餘騰出浮雲端吳兒采石時蘿蔓愁攀緣石文  
狀松雪毫髮皆天然置之坐席旁清風常在顏願君善

藏蓄永日供餘閑慎勿示要人坐致求者繁將使括蒼  
民吁差山谷間

澹樹石屏

昔行鞏洛閒馬瘦天復陰寒煙澹不收一拂橫長林當  
時無畫工負此清賞心今朝石上迹歷歷皆可尋輕素  
已紛泊老榦仍蕭森坐令高興還野氣生衣襟丹青不  
耐久風日易消侵何如造化真更彼歲月淡昌言家素  
貧購此糜百金請鐫好事名千古無消沈

白鷗圖

白鷗日邊來一息萬里遙橫飛碧海晴六翮寒蕭蕭輕  
如朔雪花迥與長風飄傾身疊紉爪吟嘯何哮曉瞥來  
疾驚電歛起先扶搖遂令狐與狸不敢矜凶妖罽羅不  
可取滅影還雲霄世人莫得見粉繪圖輕輕凜然堂牖  
閒霜氣生春朝風雨夜如墨古木無鳴臬

懷素書

上人工書世所稀於今散落無復遺君從何處獲數幅  
敗絹蒼蒼不成軸雲流電走何縱橫昏醉視之雙目明  
烈火燒林虎豹慄疾雷裂地龍蛇驚須臾挂壁未收卷  
陰風颯颯來吹面祗疑神物在闇中寶祕不令關俗眼  
嗟余平生不識書但愛意氣豪有餘欲求數字置座側  
安得滿斗千金珠

縛虎圖

孫生非畫師趣尚頗竒偉為人少諧合不肯畜妻子時  
時入浚山信足動百里蕭然坐盤石盡日曾不起精心  
忽有得縱筆何恢詭萬象皆自然神工相表裏流傳落  
人閒萬金易寸紙君家縛虎圖用意尤精緻雖云鎖紐  
牢觀者猶披靡昔聞劉綱妻制虎如犬豕繫之牀脚閒  
垂頭受鞭箠孫生儻未見畫此亦何理明知非世人羽  
化實不死願君他日歸置之成都市必有乘槎人庶幾  
能辨此

獨樂園七詠

讀書堂

吾愛董仲舒窮經守幽獨所居雖有園三年不遊目邪

傳家集卷三 古詩二

七

說遠去耳聖言飽充腹發策登漢庭百家始消伏

釣魚庵

吾愛嚴子陵羊裘釣石瀨萬乘雖故人訪求失所在三  
旌豈非貴不足易其介奈何夸毗子斗祿窮百態

采藥圃

吾愛韓伯休采藥賣都市有心安可欺所以價不二如  
何彼女子已復知姓字驚逃入窮山深畏名爲累

見山臺

吾愛陶淵明拂衣遂長往手辭梁王命犧牛憚金鞅愛  
君心豈忘居山神可養輕舉向千齡高風猶尚想

弄水軒

吾愛杜牧之氣調本高逸結亭侵水際揮弄消永日洗  
硯可鈔詩泛觴宜促膝莫取濯冠纓紅塵汙清質

種竹齋

吾愛王子猷借宅亦種竹一日不可無蕭灑常在日雪  
霜徒自白柯葉不改綠殊勝石季倫珊瑚滿金谷

澆花亭

吾愛白樂天退身家履道釀酒酒初熟澆花花正好作  
詩邀賓朋欄邊長醉倒至今傳畫圖風流稱九老

和利州鮮于轉運

仇字  
子駿

公居八詠

桐軒

朝陽升東隅照此庭下桐葦葦復萋萋居然古人風踈

傳家集卷三

古詩二

三

柯青玉聳密葉翠羽蒙午景凝餘清夕照留殘紅兩響  
薨棟外風生戶牖中主人政多暇步賞常從容終當致  
威鳳覽德鳴嚶嚶又將施五絃解慍歌帝宮

竹軒

茲軒最灑落歷歷種琅玕正畫簿書稀蕭蕭風雨寒翠  
陰涼宴坐踈韻承清歡錦籜裁夏扇玉筍供春槃晴蝸  
潛葉底暝雀投林端幽興遇物愜高懷隨處安且免一  
日無何須千畝寬

柏軒

凜然凌霜色本自生邱壑徒之君子庭栽培固不薄靜  
夜聲颼颼清晝陰漠漠秀氣逼簷楹翠影通簾箔知君

梁棟材大匠偶未度但守歲寒心閒軒亦不惡

巽堂

華堂選形勝地直巽之隅主人心潔齊公閒此燕居西  
來故鄉客東過朝大夫時逢志所愜下榻同歡娛琴瑟  
閒壺觴賦詠雜歌呼民間旣羲皇席上宜華胥每思就  
一醉幸無官守拘奈何三千里風埃與泥塗

山齋

幽蹊入桃李危棧蟠林麓行行忽虛敞高齋出山腹園  
圃近指掌郊郭紛盈目春老醅醲香夏淺簣簷綠條橫  
喜宵衣笋迸乍穿屋秋江澄可卷冬嶺翠如撲煙閒漁  
艇小塞外村居獨燒轉望畬田響荅聆伐木驚磨挺走  
險鳴禽嚶出谷物華時變更興趣日相續誰知使者尊  
常著野人服肯以駟馬榮區區詫鄉族

閒燕亭

吏治正倥偬夫君何燕閒繭絲旣云寡符移皆可刪子駿  
奏減役錢幾半朝廷是之印封從事散躡屐升東山放杖坐危亭清  
嘯出雲閒無私席賓少忘機林鳥還野人瞻翠微稽首

雙眉斑

會景亭

景物浩無窮茲為一都會之人心若鑑萬狀盡相對喬  
林擁砌底修嶺倚牕背流雲過席上去鳥出天外徐徐  
杖屨征藹藹郊原晦來往亦何為逍遙真樂內

寶峰亭

孤亭冠山椒下視物不隔六合縱心賞萬家窮目力髻  
鬢烏奴翠衣帶嘉陵碧霞生白水尾日沒九隴脊煙凝  
朝夕市塵飛往來驛雖復對紛紛何嘗改岑寂實兼觀  
風遠非徒選勝適巴峽少平田每苦天宇窄及茲伏櫺  
檻坐瞰南北極先君昔乘輅名題古寺壁侍行尚垂髻  
孤露今戴白讀君登臨詩舊遊皆歷歷永無膝下歡終  
篇涕霑臆

光天聖中侍先君爲利州路轉運使題名諸寺子駿皆爲之刻石

遊壽安詩十首

噴玉泉

蒼崖雙起秋雲齊亂峯迸出如攢犀石稜澀不容馬蹄

傳家集卷三 古詩二

古

下馬步入荆榛蹊瀑泉沃雪拖白電落潭橫引成清溪  
老木長藤咫尺迷興闌欲出忘東西

神林谷二首

石下泉聲蔓草深石上露濃蒼蘚徧山禽驚起飛且鳴  
葉墜空林人不見

雞幘竒峯雲外橫青壁千尋不可上却羨樵兒輕險戲  
腰繩操斧常來往

遊神林谷寄邵堯夫

山人有山未嘗遊俗客遠來仍久留白雲滿眼望不見  
可惜宜陽一片秋

靈山寺流泉

去寺猶一里隔林聞水聲安知客乘興山下遠相迎

且遊

遊人戀山水日晏澹忘歸但愛雲煙好那知僕馬饑

永濟渡二首

洛水寒可涉長汀柳飛葉節物先無期自與幽懷愜  
清波見白鷗靜林聞啄木泉細入平沙雲間出幽谷

靈山寺

神林興盡謀早歸草間露裊行徑微忽思靈山去不遠  
馬首欲東還向西垂鞭縱縱尋山足洛水逶迤過數曲  
漸聞林下飛泉鳴未到已覺神骨清入門拂去衣上土  
先愛娑羅陰滿庭庭下雙渠走清澈羅縠成紋日光徹

傳家集卷三

古詩二

五

寒聲淅瀝入肝髓亂影蕭動毛髮寺僧引我觀泉源  
堂東周迴百步寬碧顏梨色湛無底想象必有虬龍蟠  
泉南高山名鳳翅宛轉抱泉張遠勢岸旁修竹踰萬竿  
颯颯長含風雨氣寺門下望情豁然桑柘紛披滿一川  
嵩高女几列左右王屋太行來掌前昔為孔氏懸泉莊  
巖洞猶存荆棘荒到今其下多怪石熊蹲豹攫爭軒昂  
嗟予歸來苦不早汨沒朝市行欲老捫蘿躡屐須數遊  
筋力支離難自保

藏珠石

疊石溪東山下有墜石銜丸徑二尺餘其崖上脫處猶存

水蓄東山根土色渥如丹危峯忽摧脫半崖銜石丸陰  
陽昔融結神化不可原初疑倭佗養靈藥魑魅觸之無

故落又疑蛟龍伏巨卵雷電擊之從此殫或者女媧補  
天餘却下青冥遺耳珠不然盤古戲為樂聊取天弧彈  
朱雀物理萬狀終難知巧心推求徒自疲不如引客坐  
石上好竒且醉手中卮

八月十五日夜寄友人

故人音信絕對月動相思清露滴紅葉此懷當告誰秋  
風廣陵郭正是望濤時

華州祗役往馮翊留別楚正叔

建中

芳菲不得駐會取餘春還欲知回首處渭曲蒼茫間

何秀才

漢倫

郊園五首

主人耽詩書樂道深居久挾策往來遊東岡復南畝

傳家集卷三

古詩二

六

濁酒不取味素琴無復絃何須更清論相見自蕭然  
蒼蒼竹林暝鬱鬱松氣寒縱橫興來筆欵側醉中冠  
褰裳涉幽澗日落煙巖空躊躇待新月長嘯來清風  
夏屋繞茅廬碁酒資清密葉綠藏枝空聞黃鳥嘯

夏川過陳秀才園林

桑蔭青青紫甚垂鮮風蕩麥生漣漪驅童策馬踏邨路  
乘興出遊當訪誰槿花籬落圍叢竹風日蕭疎滿園綠  
到門下馬問主人文籍先生其姓陳高談浩浩究今古  
不覺林閒日將暮茅廬萬徑幸不遙不厭頻煩數來去  
陪同年吳冲卿登宿州北樓望梁楚之郊訪古

作是詩

大禹息洪潦畫野經九州波沈雨露羣山巖巖相嬰鉤浚  
洄澹茲土平敞誠寡仇乘高極回望坦坦無陵邱先王  
崇禕濟建祀邦諸侯玉帛從會同赴告書春秋六雄方  
逐鹿爲羸弱姬周茲爲會戰場蹀血無時休漢錯削七  
國禍生東南陬亞夫閉高壁坐折彊吳謀典午倒太阿  
關戶延旃裘淮泗漫腥羶房心掩旄頭人移煙火絕榛  
茂豺狼遊唐綱日寢衰盜起如螟蝨相攜聚萑蒲袒臂  
提鉏耰蟠薄數千里焚劫無餘留聖朝定多壘劍戟包  
貔貅蓊蓊荆棘林臙臙良田疇耒耜趣時雨黍稷豐歲  
秋昔爲車騎利今睹桑麻收我來宦東土苒苒乘春流  
行行次符離固爲親交留樽壘且爲樂攜手登高樓是  
時新雨餘風日方和柔雲鮮亂花薄波綠迷芳洲羃羃  
游絲轉袞袞野陽浮調篁語雙鷗翻雪矯羣鷗愛茲登  
臨美况復依良儔聊適笑言樂盡忘羈旅憂翔陽何冉  
冉漸與西山道驛程前有期戀此當何由分首下岩薨  
悵然登暮舟

塞上六言

胡兵欲下陰山寒烽遠過蕭關將軍貴輕士卒幾人回  
首生還

奉和經略龐龍圖延州南城八詠

迎薰亭

華館壓清波坐待南風至須知明牧賢善達吾君意

供兵磴

晨暮響寒泉飛輪駛風轉士飽氣益振輕與先零戰

柳湖

依依煙未歇漠漠風初靜浮花滿波面不見參差影

飛蓋園

軍中富餘暇飛蓋南城隈雍容陪後乘一一應劉才

翠漪亭

雕簷日華動滉漾照漪漣四月芰荷滿不似在窮邊

延利渠

枝分清淺流縱橫貫城市還如恩在人潤澤無終既

緣雲軒

逼漢敞高巖綠雲結飛閣東山草樹曛致足登臨樂

傳家集卷三

古詩二

六

禊堂

簫鼓震陽休組練照芳洲意氣坐中容羞笑山陰遊

河上督役懷器之寄呈公明叔度時器之鞫獄

滄州

河災汎東郡廬井多堙淪題輿得賢佐姁嫗安疲民遂  
令枯槁餘稍復蘇陽春伊人屏外飾個儻窮天真徒觀  
浩蕩波莫測江海津矧茲同府士一一隨和珍公明抱  
全德洞澈無緇磷叔度秉峻節竦若凌霜筠顧茲不肖  
材亦齒幕中賓同依松柏陰共醉醞醑醇高論探要妙  
佳句裁清新有詩縱歡謹杯案霑衣巾曾無禮節間但

以風期親北州有疑獄兩造正紛綸當須于公斷然後  
無冤人送行出郊岐揚鞭從此違隄絲春事起行役未  
成歸索居如幾日河草已芳菲徒然掩瑤瑟坐歎知音  
稀昨夜西南風夢中東北飛行行涉滄海髣髴睹容暉  
寤思益惆悵天長羽翼微離懷如柳色極目正依依

華星篇

時視役河上寄  
郡中諸同舍

涼風淨掃雲無迹海月未生星歷歷貝聯珠貫拱北辰  
三五縱橫此何夕重樓疊榭出秋空鳩鵲露寒連桂宮  
瑤井迥臨丹闕外玉繩斜挂瑣牕中征人遠別空閨悄  
鐘漏蕭疎天不曉碧紗展轉無復眠臥視寒光度華沼  
漢家賢將戍臨洮結髮從軍今二毛誰憐身老心猶壯  
溪入長占太白高豐城古劍沈淪久匣中夜半雙龍吼  
乃知神物不自藏紫氣依稀見牛斗有客離居望所親  
遙知清夜會荀陳隄絲未息無由去不及浮槎河畔人

宿石堰聞牧馬者歌

大河之曲多寬閒牧田枕倚長隄灣烏栖鵲散隄樹寂  
柝木聲稀宵欲闌牧兒跨馬乘涼月歷歷繞羣高唱發  
幽情逸氣生自然往往鳴鞘應踈節歌辭難辨野風高  
似迷離憂嗟役勞徘徊不斷何妨近髣髴微聞已復遙  
長川冷浸秋雲白露草翻光凝碧色星踈河澹夜初長  
展轉空亭奈孤客洞簫音律京君明可憐骨朽不更生  
安得使傳哀怨意爲我寫之羌笛聲

楊白華

勸君勿嫌楊花太輕薄  
籬下溝中紛漠漠  
翠鬟子不勝愁掃盡  
還飛滿朱閣  
晚來風雨送行春  
天無遊絲地無塵  
雪狂絮亂安可得  
孤樹青青愁殺人

司馬文正公傳家集卷第三

蘇州府學教授浦起龍校字

傳家集卷三

古詩二

三

河馬文正公傳家集卷第四

後學桂林陳弘謀重訂

古詩三

都下秋懷呈聶之美

異跡強從仕趣尚與時乖  
竭來遊京邑榮願知誰諧  
于國富英奇氣象標巖崖  
雲鴻送雙目攀援路可階  
秋風轉枯葉颯颯繞寒齋  
出門無所之飛塵滿天街  
夫君宦未達猶得稱吾儕  
解衣換斗酒且盡平生懷

陪張龍圖南湖暑飲

六言

紅旆繁林却轉瓊筵就  
水重開荷香著衣不去竹色映  
酒遙來

傳家集卷四 古詩三

樓船激灩艷輕浪鷗鷺繽紛滿天清歌久之未度畫梁塵  
落芳筵

道傍田家

道傍田家翁嫗俱垂白  
敗屋蕭條無壯息翁攜鎌索嫗攜箕  
自向薄田收黍稷靜夜偷舂避債家  
比明門外已如麻筋疲力敝不入腹  
未議縣官租稅促

送李汝臣同年謫官導江主簿

得喪互循環古今昧終始百歲落其間  
僅與毫芒似所以達人心中外不復紀  
愁來若亂絲疏解當以理昔君關外來  
籍籍聲華起憑案一濡毫萬言俱落紙  
老生聞其文色若寒灰死閣筆不能下  
敢有玳瑕指或時抵脚

相入門俱倒屣闔夫迎受謁不敢揚眸視解褐吏邊州  
長塗初進跬蛟龍得尺水雙骼方嶷嶷西羗負德澤飛  
鏞聳邊鄙添兵十萬餘斗粟無支擬州郡走符檄縱橫  
恣鞭箠閭閻浪愁苦卒食半糠粃上官知君才悉以儲  
糧委開倉募平糴至者車連軌嚴明東吏手誘諭提民  
耳留穀受金去若與同儕市弦朔未云周露積邱山比  
曾無轉餉勞坐飽防秋士幕府上其功明詔深嘉美爲  
僚登九寺長入專百里聊用報勤劬未言窮任使何期  
逢怨讐意外成瘡瘡刺骨舞文法吹毛出瑕滓清霜五  
月飛慘烈傷蘭芷鸞鳳失椅梧飄泊還荆枳聖朝方任  
能大過尚收齒况於濟時具斲然遭詆訾寧因青蠅惡  
遂取璵璠毀良工構明堂必不遺杞梓勉哉益自立勿  
爲窮衰止人生難豫期神理無終否庸知今日憂不爲  
後日喜吾道誠無虧凜坎安足恥關山迤邐長百劔連  
天倚縈紆結危棧迥入雲星裏蜀國富嬉遊花繁春酒  
旨莫作弔原文投之岷江水

春日書寄東郡諸同舍

滑臺古鎮揭高牙主人賢厚賓友嘉公庭退休射堂飲  
水沈綠李浮甘瓜清言妙諭閒談謔笑語往返何喧謹  
別來汎濫若浮梗塵愁俗累稠於麻提鞭俄恐蓋觸風  
日慘澁滿眼飛埃沙朱門湛湛果深淺門外日擁千餘  
車闔人未肯即通刺指彈手版景欲斜就令入見亦何

事氣象渺邈凌青霞圍碁角智賭勝負拙者理與功名  
賒捨之歸入戶庭隘仰視青天如井蛙後檐數尺地荒  
穢不翦欲令生薺花當春寂寂但如此意恐至外逢紛  
華奈何勝友百餘里不可一見如天涯何時更共把卮  
酒側身北望空咨嗟

秋日寄山中友人

昨夜聽秋風霜崖幾樹紅心隨新鴈去宛至碧谿東聖  
主搜漁釣林巖今已空胡爲執高節憔悴久山中

和之美舟行雜詩八首

舟中夜坐二首

風柳動蕭疎寒星浸寥落中宵四寂然時有遊魚躍

傳家集卷四 古詩三

三

汀沙落席帆岸柳縈單舸小市遠微茫簇水初燈火

船行遇風

蔡水僅成波不若江湖濬誠無傾側憂纜弱終難進

野花

喧喧桃李蹊何妨笑幽草但願保天真徐共春風老

水鴨

離縱出短蒲毳毳浴清水物忌太鮮明何妨染泥滓

魚鷹

翩然下林表不憚風湍惡得雋輒高飛爲君羞擊搏

習魚者

弱篠絳輕絲盡日寒溪側獲少近知無溪魚皆爾識

都門路

紅塵晝夜飛車馬古今迹獨憐道傍柳慘澹少顏色

和之美河洲四詩

冉冉河洲曉晴霞登木杪稍見水煙開孤舟天際小  
杳杳河洲晚客行殊未返目隨林鳥還心共征鴻遠  
寂寂河洲夜蘆花繞墟舍孤客久未眠窻燈落寒地  
漠漠河洲雨依稀辨村聚時哉鷗鳥羣凌亂爭鳴舞

又和夜雨宿村舍

積雨久未闕豈徒行客憂夜聞屋中人歎息悲田疇方  
春播殖時種食皆外求鞭訶犯赤日酷烈慚羸牛草歲  
競禾長從人借鉏耰晨熾戴星起日闇未能休豈無一

傳家集卷四

古詩三

四

時勤所覲歲有秋今茲昏墊災大塹成洪流直疑滄海  
溢繭粟浮陵邱昔時百丈原沉沉皆挈舟喬木失端杪  
飢鳥下無投黍稷沉黃泥圭合安可收嗟予乏技能無  
以易糠粃販鬻固所昧敢託市井遊欲依盜賊羣懦不  
聞戈矛已哉任天地無益徒爲愁一身無死所况爲妻  
兒謀之美愛物者淒然涕霑裘一夫有不獲伊尹爲深  
羞何當富斯民比屋困倉稠惜哉祿秩卑此志終宜酬

送韓太祝

雜

歸許昌

賦得交字

王城名利窟冠蓋鬱相交夫君獨鳳舉影然去喧呶頽  
水清可濯箕山高可巢反顧公相榮一芥浮堂坳

逸二  
字

大呂重豈知輕斗筭蒼蒼氣象嚴萬木擁寒郊

逸二  
字

隈曲初旭染林梢去去善自將因聲訪衡茅

和興宗夜直聽雨

逸字茫凍雨來入夜勢增急縱橫挾春風飄灑相噴吸敗  
窻端見欺遽有萬點入先生伏經編眼冷倍昏澁夜分  
童僕倦跛倚厭久立燈火為溟濛詩書亦霑濕夫君儲  
善價未售不悞悞物華迎霽新佳賞時將及困中秣幾  
何營釀須汲汲

花庵詩寄邵堯夫

時任西京留臺廨舍東新開小園無亭榭乃構木插竹多

種醪醱寶相及牽牛扁豆諸蔓延之物使蒙  
晷其上如棟宇之狀以為遊涉休息之所目  
曰花庵

洛陽四時常有花雨晴顏色秋更好誰能相與共此樂

傳家集卷四 古詩三

五

坐對年華不知老

自然天物勝人為萬葉無風綠四垂猶恨簪紳未離俗  
荷衣蕙帶始相宜

康定中予過洛橋南得詩兩句於今三十二年  
矣再過其處足成一章

銅駝陌上桃花紅洛陽無處無春風重來羞見水中影  
鬢毛蕭颯如秋蓬

寶鑑貽開叔

流塵集寶鑑塵昏鑑不昏纖泥落清水泥渾非水渾人  
能辨二物相與自忘言二物不能辨悠悠何足論無為  
捨其內逐外取煩寬

謝王道濟惠古石器

緱氏古城裏好古王道濟作詩有古風讀書知古意朝  
來遣僕夫遺我古石器結從天地初生自一拳際工倖  
創規摹般輸施剞劂淪茗北窻下坐有羲皇思嗟予性  
迂鄙齟齬居今世忝官污臺省曾無益時智退藏又濡  
滯尚不離朝市闕地避煩暑頗與營窟類新構西齋中  
鑿地為室謂  
洞之涼誠非古人比拜賜得無愧

題太原通判楊郎中希元新買水北園

洛陽名園不勝紀門巷相連如櫛齒脩竹長楊深徑迳  
令人邑邑氣不舒愛君買園中橋北堂壓崖端跨空碧  
滿川桃李皆目前近水遠山一朝得曾陪尊兄此高會  
豁然如出樊籠外躑躅尚爾况久居勝氣清風日相對  
易生畫筆世所珍麋猿滿壁皆逼真并州近胡沙塵惡  
終更早來為主人

首夏呈諸鄰二章

首夏木陰薄清和自一時筍抽八九尺荷生三四枝新  
服裁蟬翼舊扇拂蛛絲莎徑熱未劇晨昏來往宜  
熾熾久旱天颯颯昨宵雨塵頭清過轍水脉生新渚豈  
徒滋杞菊亦可望禾黍勿笑盤蔬陋時來一觴舉

酬王安之謝藥栽二章

洛人栽花不栽藥吾屬好尚何其偏服之雖能已百疾  
愛閑成癖無由痊

護根帶土我親移，荷鍤汲泉君自種。悅目寧將惡草殊，扶危或比兼金重。

雨中過王安之所居不謁以詩寄之

萬木含涼雨，驅馬有餘清。長街帶短蕪，舊潦駢新萍。高齋彼誰居，雅尚推名卿。汙亭雖地卑，躡屐未妨行。野服踞藜牀，蕭散臨前楹。纂纂棗林繁，欣欣藥畹榮。過門不敢叩，自視慙冠纓。素與安之約，不以公服相過。

送藥栽與王安之

盛夏移藥栽，及雨方可種。為君著屐取，呼童執傘送到時。雲已開枝軟，葉猶重。夕陽宜屢澆，又須煩抱甕。

張明叔兄弟雨中見過弄水軒投壺賭酒薄暮

傅家集卷四 古詩三

七

而散詰朝以詩謝之

喜君午際來，涼雨正紛泊。呼奴掃南軒，壺席謹量度。軒

前紅薇開，壺下鳴泉落。虎爪泉上覆之以板，每投壺板上設榻繞之，榻去壺各二矢半。

必爭如五射，有禮異六博。求全怯垂成，倒置畏反躍。新格

倒中者壺中之筭盡廢之。雖無百驍巧，且有一笑樂。交飛觥酒滿，強

進盤餐薄。苟非興趣同，珍殽徒綺錯。

小雨

雲日互出沒，數朝飛雨清。瞳矐似欲止，廉纖還未晴。映空輕絲亂，著物細珠明。葉端危未落，荷心重忽傾。喜涼高薦舞，便濕羣蛙鳴。於予亦有得，藥畹胡麻生。

園中書事二絕

芳洲晚日鮮曲岸新雨好紅薇點圓荷金荳出幽草  
坐嗅白蓮葉卧看青竹枝閑齋不成寐起讀聖俞詩

送劉仲通知涇州

四載一相逢相逢遽爲別儕輩日蕭條與君俱白髮  
酒不暇執舊遊那復說忽忽無他言暑行戒飢渴

和宋復古大雨

積陰連日作鬱蒸長雲飛天勢如鵬白雨四注垂萬緡  
坐間斗寒衣可增

雷公推車電施鞭飛騰九澤舞百川須臾開晴萬物鮮  
仰視白日當青天

見山臺畫卧偶成

傳家集卷四 古詩三

八

移牀獨上高臺卧颯颯涼風吹面過林蟬忽噪驚薄夢  
手執殘書幅巾墮

修醪醱架

貧家不辦構堅木縛竹立架醱醪風搖雨漬不耐久  
未及三載俱離披往來遂復廢此徑舉頭礙冠行絳衣  
呼奴改作豈得已抽新換故拆四籬來春席地還可飲  
日色不到香風吹

螢

林塘荒濕地向夕已飛螢月沒蛩吟砌露涼人在庭  
風疑落燼過水亂踈星學子燈前寢誰將爾照經

張明叔家瑞蓮

君家得蓮種遠自浙江湄  
明燭然深盥濃朱畫細絲  
盛開尤齒菖到落不離披  
豈獨夏花好仍兼秋實竒  
味長包石蜜殼嫩剥燕脂  
况復芬芳久霜前殊未衰

蓮房

蓮房前後孰供噉不須齊  
肉嫩山蜂子稜深天馬蹄  
尚連餘葉在深映亂荷低  
脆美知新采近根猶帶泥

不寐

長年睡益少氣耗非神清  
昨朝多啜茶况以思慮并  
中煩枕屢移展轉何時明  
蘇秦六國印力取鴻毛輕  
白圭萬金產運智立可營  
如何五更夢百方終不成

苦雨

傳家集卷四

古詩三

九

今春憂亢陽引領望雲族  
首夏忽滂沱意為蒼生福  
自爾無虛日高原亦霑足  
連年困饑饉此際庶和熟  
如何涉秋序沈陰仍慘黷  
長簷瀉潺湲晝夜浩相續  
喧逐流潦怒突兀壞垣禿  
駕牛泥沒鼻跨馬水平腹  
瓦欹松漫白道廢草濃綠  
污萊閔下田漏濕憐破屋  
縱橫委地麻狼藉卧隴穀  
怯聞飢嬰啼愁聽寡婦哭  
閑官雖無責飽食愧有祿  
世紛久去心物役奈經目  
鬱陶聊乘筆狂簡已盈幅

八月十五日夜宿南園懷王君貺

昔公在洛師未嘗弃嘉節  
今宵秋半分空羨西園月  
天色湛澄清風聲冷騷屑  
笑言不可親引領望金闕  
賴有

篋中詩端居數披閱

八月十六日過天街懷范景仁

秋潦收四野晴雲無一班忽驚龍門缺遠見鳴臯山涼  
颺入毛髮顛氣清心顏悠然念吾友逍遙城闕閒思陪  
籃輿尾共此登臨閒

宿南園

頃來興味少旬日不為詩昏昏但思眠疲病知吾衰豈  
無籬邊菊不欲拈酒卮絡緯爾何苦終夕鳴聲悲

九月十一日夜雨宿南園韓秉國寄酒兼見招  
以詩謝之

雨多秋草盛濃綠擁寒階吾廬奧且曲退縮如晴蝸小

傳家集卷四古詩三

十

園已自隘欲往泥濡鞋體羸畏風冷室處門常闔九日  
古所重負此時節佳緬想使君宴綺席臨高齋肥豎堆  
玉盤飛觴酒如淮楚舞陵湖波茱萸落金釵神醒鼓吹  
喧百疊疑傾崖歡餘忽我思牙兵星火差湜泉恥獨醉  
醇味相與偕我飲雖不多和氣浩無涯梧子拾爲果拒  
霜伐爲柴沼中數寸魚烹煎足爲鮭吳人謂魚  
內爲鮭誰言無  
以侑繞渚多鳴蛙交道久衰薄歸然見吾儕奈何數舍  
遙晤語積年乖况乃辱嘉招私心豈不懷輶轅石道澀  
重以陰雲埋雖有果下馬款段非渥洼臨風徒竦踊志  
願焉能諧狂詩寄一笑聊用當談俳

古墳

茫茫野田平極目歷歷古墳如夏屋碑版無文荆棘深  
石獸沈淪松柏禿問人雖不知姓名昔皆高官仍厚祿  
子孫流落何所之凶吉當年非不卜我來正值寒食天  
祭牘不設無人哭

酬趙少卿

丙字南正藥園見贈

鄙性苦迂僻有園名獨樂滿城爭種花治地惟種藥栽  
培親荷錫購買屢傾囊縱橫百餘區所識恨不博身病  
尚未攻何論療民瘼

登封龐國博

元常字懋德

年三十八自云欲弃官隱

嵩山作吏隱庵於縣寺俾光賦詩勉率塞命

懋德負長才全牛不足割纔為百里宰驥足殊未展齒

傳家集卷四 古詩三

十一

髮方盛彊趣尚已高遠結庵賦二室志欲巢絕巘賢人  
心如雲無迹有舒卷不須驚俗目卓犖乃求顯既知吏  
可隱何必遺軒冕

暮春同劉伯壽史誠之飲宋叔達園

絮狂飛作團梅小不多酸共惜春餘好更窮今日歡清  
流入花底翠嶺出林端嫩筍玉縈筋新櫻珠照盤邀迎  
嘉客易會合故人難寄語門前僕驂驢任解鞍

用前韻再呈

舊友今餘幾追思鼻可酸休論身外事且盡目前歡荔  
薜垂隄面醅釀擁席端舞精抽繭緒絃妙落珠盤醇酒  
回春易靈丹却老難扶歸不復記酩酊一金鞍

示道人

天覆地載如洪鑪萬物死生同一塗其中松柏與龜鶴  
得年稍久終摧枯借令真有蓬萊山未免亦居天地閒  
君不見太上老君頭似雪世人浪說駐童顏

謝王君貺中秋見招不及赴

不侍庾公宴月華虛四秋幸逢東閣開又阻西園遊清  
輝散廣坐孤影隨行朝袞衣如未歸志願終可酬

久雨效樂天體

雨多雖可厭氣涼還可喜欲語口慵開無眠身懶起一  
榻有餘寬一飯有餘美想彼廟堂人正應憂變理

聞范景仁遷居許昌爲詩寄之

傳家集卷四 古詩三

三

天衢名利場塵泥繼朝昏况茲辭榮久厭苦車馬喧慨  
然忽高舉翩若黃鵠翻朝賣西城宅暮理南行轅回首  
豈無懷眷眷望國門想象解裝初完美未可論縱橫置  
老屋缺剝周短垣臧獲念去故炊爨假甕盆勿稱喜就  
新階庭走諸孫幸有克家子生事不日溫許昌昔名都  
於今亦雄藩先賢雖已遠風迹凜猶存况復多巨公分  
義素所敦丞相辭黃閣學士乘朱轡青雲同禁省白首  
會山樊渙水湛寒光盡眼清心魂華堂臨曲渚畫舫承  
芳樽高談金石諧逸筆風雨奔得朋誠多歡孤陋未可  
諉時當惠好音獨樂慰荒園

送張伯常同年移居郢州

楚江白逶迤楚山碧參差玉炊稻粒長縷切魚腴肥羨  
君盡室行飄然無所羈伐竹營茅茨種橘爲藩籬荒陂  
無四垣但以荷塘圍官雖朝大夫身世已相遺野老坐  
爭席林叟談忘歸猶嫌沮溺徒名字爲人知

南園飲罷留宿詰朝呈鮮于子駿范堯夫彝叟

兄弟

園僻青春深衣寒積雨闕中宵酒力散卧對滿窻月旁  
觀萬象寂遠聽羣動絕只疑玉壺冰未足比明潔

自用前韻

耿耿寐不成迢迢夜未闕良朋悔不留負此當軒月懷  
想空鬱陶眺聽轉清絕佗時重見過餘樽猶可潔

傳家集卷四 古詩三

三

不寐

思夢久不效良夜行已闕此心如杯水擾易澄苦難百  
年能幾何萬慮誰能殫弃置勿復尋專取形神安

招鮮于子駿范堯夫

虛牖延朝光高林散晴靄深夏猶清和閑齋亦爽塏離  
羣纔宿昔跂佇心已痲楸枰頗光潔置設儼相待軒車  
能竭來雞黍足充饒

和家兄喜晴用王安之韻

象龍雖得請躍蛟亦須占既有膏苗益寧無漂麥嫌餘  
霏方映戶反照忽通簾羈旅愁懷闕農家喜色添田間  
拾穗滿陌上荷鋤兼豫想三川迥秋場萬庾尖

病中鮮于子駿見招不往兼呈楚正叔范堯夫

時正叔約次日爲會

衰朽拙自將蘊積成中病掩扉卧小榻安養惟便靜遙  
知良友集鬱若荀陳盛獻醅屏浮飾簡率任真性雖無  
束帶苦實憚把酒併開囊檢藥物不與樽壘稱筋骸幸  
復常佗時掃三徑

和鮮于子駿秋意

好風自遠來小雨初濡地雖當朱夏半已有清秋意新  
蟬乍孤吟病葉或先墜頓覺愈沉痾躑喜濯炎熾彩筆  
動高興瑤徽發幽思賤子獨何爲宵涼甘熟寐

龍門

傳家集卷四

古詩三

十四

石樓臨晴空南眺出千里人憐山氣佳子歎禹功美想  
彼未鑿時極目皆洪水誰知耕桑民幸免魴與鯉

坐中呈鮮于子駿范堯夫

六言

微雨雖妨行藥薄寒却解留花今日且遊小圃明朝更  
向誰家

和范景仁緱氏別後見寄求決樂議雖用其韻  
而不依次蓋以景仁才力高逸步驟絕羣非駑  
拙所能追故也

至樂存要眇失易求之難昔從周道衰疇人曠其官聲  
律久無師文字多缺漫仁皇閔崩壞廣庭集危冠紛紜  
鬪筆舌異論誰能殫或欲徇陳迹竅厚潛鍤剝或欲立

私意妄取舊史刊古今互齟齬大抵皆欺譎景仁信其說墨守不可干賤子欲面從誰與換膽肝必求此議決深谷爲崇巒何如兩置之試就中和看天地育萬物生成適暄寒聖人保四海皇極致阜安樂理亦如此炳煥猶朱丹墀緩與噍殺折衷遺兩端茲道苟不由芒刃難嬰髓魯樂最爲備雍徹施三相齊韶猶肄習太公避陳完唐民聽伴侶不復含悲酸乃知樂有源鐘鼓皆波瀾昨者清明初榆火始改鑽景仁從許來傾都咸聚觀諸公競邀迓非獨惜春殘議樂不復對晝夕且窮歡來時桃李穠去日芍藥闌三旬只須臾駛若阪上丸輟轅逢雨別惝恍歸騎單東西步步遠回首祝加餐仍冀勉中和心廣體自胖

傳家集卷四

古詩三

五

和韓秉國招范景仁飲景仁不至云方作書與  
光論樂

小桃佳李實如拳西湖盡眼鋪芳蓮景仁不從鄉賢飲爲此樂論方窮研周衰官失疇人散鍾律要眇誰能傳近人欺衆出私意最可閔笑房生顛如光初不辨宮羽是非得失安敢專每煩教諭累百紙頑如鐵石不可鑄王李阮胡相詆毀各執所學何妨偏景仁家居鑄黼斛欲除民瘼恐未然要須中和育萬物始見大樂之功全  
同鮮于子駿題和樂亭

春禽弄晴朝秋蟲吟雨夕風和振蘭芳露寒滋菊色萬

物苟得所隨時各有適矧伊人最靈胡爲長感感聖人  
垂大訓燦爛著芳冊至樂和無聲大禮簡無跡心專守  
中庸身不蹈邪僻造次常在前須臾不離側窮通雖百  
變何往不自得茲亭聊寓名和樂在宵臆

王君貺宣徽垂示嵩山祈雪詩十章合爲一篇

以疇之

今秋少雨冬不雪麥寄浮埃根欲絕聖主焦心閔萬民  
負宸不怡常膳撤詔書朝下徧九州岳瀆百神俱禱求  
西都留守虔君命促駕不敢須臾留嵩高萬仞蟠地中  
海內衆山無與雄前驅大旆擁千騎波騰雲涌來祠宮  
牲肥酒香籩豆潔盛服齋明薦毛血有司執事皆肅然

傳家集卷四

古詩三

六

寶帳神來風窅屑公心猶畏九閻遙丹誠不得通青霄  
分留導從屯林麓別張醮具登山椒山椒迢遰峻無極  
行挽枯藤蹋危石萬室嗷嗷愁死飢敢憚劬勞愛餘力  
天門上出俄坦平下視一世塵杳冥焚香拜手傾懇惻  
左右前後皆列星公今三守三川地咫尺嵩高未嘗三  
詰朝旣畢祠祀嚴暫轉鳴珂歷諸寺少林昔爲達磨居  
達磨英靈今有無度辭流散滿天下競以兩手捫空虛  
法王魏氏離宮舊玉刻後猊鼎猶有子孫宗廟皆塵灰  
止見伽藍存不朽會善庭隅千歲松一根二股凌寒空  
勢如鼎足爭秀出泠泠永夜吟霜風少室先生樂閑暇  
棄官來家玉峰下昔爲浪泊據鞍人今結東陵賣瓜舍

溪上有堂名掛冠四垣重複皆林巒呼兒掃地喜公到  
隨分絃歌留盡歡周王太子名聞久相傳羽化緱山首  
鶴飛笙遠窅無迹遺廟今人空瀝酒公來本不事遨嬉  
周流閭里詢疲羸親呼令長囑赤子勿貪榮利窮鞭笞  
境中羣望無不走回轡仍過鑿龍口奉先暮投林日曛  
浥澗晨征轍冰厚歸來新詩盈一編明珠大貝相屬聯  
此行雖不從公後歷歷勝遊皆目前

酬吳仲庶龍圖終南山詩

泰山魯所瞻終南乃秦望西侵井絡闊北壓鶉野曠脩  
梅韞名材金玉富珍藏飄風何烈烈萬物盡搖蕩屹立  
不傾倚勢與厚坤壯有如牧伯賢斯民蒙保障雪霜舉  
世寒千里獨重纊病夫伏閭里非能事微尚顧無孤高  
實藻飾安可強景行雖不忘詎敢承嘉貺

酬永樂劉秘校庚四洞詩

貧居苦湫隘無術逃炎曦穿地作幽室頗與朱夏宜寬  
者容一席狹者分三支芳草植中唐嘉卉周四垂詎堪  
接賓宴適足供兒嬉自問安取法前脩果慕誰非如太  
古民營窟避寒威又非學射人空石專致思又非沮漆  
俗陶復習西夷又非楚司馬金奏相賓儀又非鄭伯有  
壑谷甘糟醕又非越王子丹穴免憂危又非張巨和崇  
巖立師資所慕於陵子欲效蚓所為微竅足藏身槁壤  
足充飢養生既無憾此外安敢知唯祈膏澤布歌嘯樂

餘滋豈羞泥塗賤甘受高明嗤何言清尚士善頌形聲  
詩困剝固未嘗井復敢終辭

司馬文正公傳家集卷第四

蘇州府學教授浦起龍校字

傳家集卷四

古詩三

六

